

خَطِ يَهُودَا

پیشگفتار

خَطِ يَهُودَا بَلَدِه ازی نَوِشْتِه شُدِه کِه اِیْمَانْدَارَا رِه دَ بَارِه رَاه-و-رِفْتَارِ کَسَايِ بَاخْبِرِ کُنِه کِه خُودِ رِه اِیْمَانْدَارِ مُوگُفْت، وِلِے نَبُود. اُو اِمِچْنَانِ تَاکِیْدِ مُونِه کِه اُمُو رِقْمِ کَسَا حَتْمًا مَحْکُومِ مُوشِه. اِمزِي خَاظِرِ اُو اِیْمَانْدَارَا رِه تَشْوِیْقِ مُونِه کِه بَلَدِه نِگَاهِ کَدُونِ اِیْمَانِ وِ عَقِیْدِه خُو کِه یِگِ دَفْعِه دَ اِیْمَانْدَارَا دَدِه شُدِه، سَخْتِ کُوشِشِ کُنِه وِ اُسْتَوَارِ وِ پَايْدَارِ بُمْنِه.

فهرستِ عِنَوَانِهَا

دُعا وِ سَلَامِ (آیِه ۱)

بَاخْبِرِ کَدُو دَ بَارِه مَرْدُمَايِ بِي خُدا (۳)

اِخْطَارِهَا وِ نَصِيحَتِهَايِ اَخِرِ (۱۷)

حَمْد-و-ثَنَا دَ خُدا (۲۴)

^۱ از طرفِ یهوذا غلامِ عیسیٰ مسیح و برارِ یعقوب بلده کوی شده های که دَ نظرِ خُدا
یعنی آتِه آسمانی دوست-دَشْتَنی آسته و دَ عیسیٰ مسیح حِفْظِ شُده: ^۲ رَحْمَتِ، سَلامَتی و
مُحَبَّتِ پَریمو نَصیبِ شُمو شُنه.

باخبر کدو دَ باره مردُمای بے خُدا

^۳ آی عزیزا، ما کلو شوق دَشْتَم دَ باره نِجاتی بلده شُمو نِوِشته کُنم که پگ مو دَزو شَرِیک
آستی، مگم دَ عینِ وختِ لَازِم دَنِسْتُم که چند خطِ نِوِشته کده شُمو ره تَشْوِیقِ کُنم تا دَ باره
ایمانی که یگ بار بلده همیشه دَ مُقَدَّسین دَده شُد، سخت کار کُنید. ^۴ چُون بعضی کسا
تاشکی دَ بَینِ شُمو جای گِرِفْتِه که از قَدِیم مَحْکُومِیتِ ازوا پِیشِ بَینی شُده. اونا مردُمای
بے خُدا آسته که پِیغامِ فِیضِ خُدای مو ره بلده فِسق-و-فِساد خُو کَجِ مَعْنی مُونه و یگانه
بادار و مَولای مو عیسیٰ مسیح ره اِنکار مُونه.

^۵ اگرچه شُمو ازی چیزا باخبر آستید، ولے میخایم دَ یاد شُمو بیرم که خُداوند قومِ اِسْرَائِیل
ره از سرزمینِ مِصر نِجات دَد، مگم بعد از یگ زمان کسای ره که ایمان نُورِد نَابُود کد.
^۶ امی رقمِ ملایکه های که مقامِ خُو ره نِگاه نَکد، بَلِکِه جایگاهِ مُناسِبِ خُو ره ایله کد، خُدا
اونا ره دَ زنجیرای اَبَدی دَ تَرِیکی تیره بلده قِضاوتِ دَ روزِ بَزُرگ نِگاه کده. ^۷ دَ امزی رقم

سَدُوم و عَمُورَه و اَغِيلَايِ گِرْدوِبِرِ شَيِ كِه مِثَلِ ازوا خود ره تَسْلِيمِ فِسادِ اَخْلَاقِي كَد و پُشتِ جِنْسِ غَيْرِ طَبِيعِي رِفْت، دَ عِنوانِ نَمُونِه عِبْرَتِ دَ آتَشِ اَبَدِي سوخته و جَزَا دِيده مورَه.

^۸ لِيكِن باوْجُودِ اَزِي، امِي كَسايِ ام كِه خاو دِيده مورَه، جِسْمِ هَايِ خُو رِه نَجِسِ مُونِه و قُدْرَتِ-و-اِخْتِيارِ اِلْهِي رِه رَد كَدِه دَ ضِدِ حُكْمَرانايِ اَسْمانِي كُفْرگُوبِي مُونِه، ^۹ دَ حَالِيكِه حَتِي مِيكائِيل، مَلايِكِه اَعْظَم، و خَتِيكِه دَ بارِه جَسَدِ مُوسَى قَد اِبليسِ جَر-و-بَحْثِ مُوكَد، جُرَاتِ نَكَد كِه اُو رِه مَحْكُومِ دَ كُفْرگُوبِي كُنِه، بَلَكِه كُفْت: ”خُداوند تُو رِه سِرزَنش كُنِه!“ ^{۱۰} لِيكِن اِي مَرْدُمِ دَ ضِدِ چِيْزايِ كِه نَمُوفامِه بَدگُوبِي مُونِه و دَ وَسِيْلِه چِيْزايِ نَابُودِ مُوشِه كِه اُونَا رِه رَقْمِ حَيوانايِ بِي وَقُوفِ طَبِيعَتاً مُوفامِه. ^{۱۱} وَايِ دَ حَالِ ازوا، چِرَاكِه اُونَا دَ رَاهِ قَائِنِ نَابُودِ شُدِه. ^{۱۲} امِي اَدْمَا دَ مِهْمَانِي هَايِ پُرِ مُحَبَّتِ شُمُو رَقْمِ مارِ هَايِ مَنِه اَسْتِيْنِ اَسْتِه كِه بِي پَرِوا قَد شُمُو سِرِ دِسْتَرخو شِشْتِه خُودونِ رِه سِيرِ مُونِه. اُونَا مِثَلِ اُورِ هَايِ بِي بارِشِ اَسْتِه كِه دَ وَسِيْلِه بادِ بُرْدِه مُوشِه؛ اُونَا رَقْمِ دِرِخْتايِ تِيرِماهيِ بِي مِيوِه اَسْتِه كِه كَامِلاً مَرْدِه و ازِ رِبِشِه كَنْدِه شُدِه. ^{۱۳} اُونَا جَلِپِه هَايِ سِرْكَشِ دِرِبا اَسْتِه كِه رَسُوايِي خُو رِه رَقْمِ قَفِ اَلِّيِ بَالِه بُرِ مُونِه و سِتارِه هَايِ سِرْگَرْدو اَسْتِه كِه تَرِيكِي تِيرِه تا اَبَدِ بَلَدِه ازوا مُقَرَّرِ شُدِه.

^{۱۴} دَ بارِه اَمْزِيَا حَنُوخِ هَفْتُمِيْنِ نَسْلِ اَدْمِ پِيْشِگُوبِي كَدِه كُفْت: ”اَيْنِه، خُداوند قَد هَزارانِ هَزَارِ مُقَدَّسِيْنِ خُو مِيِيِه ^{۱۵} تا دَ بَلِه پَگِ قِضَاوَتِ كُنِه و تَمَامِ بِي خُداها رِه بَخاطِرِ تَمَامِ كَارايِ بِي خُداييِ كِه اُونَا دَ مُطابِقِ بِي خُداييِ خُو كَدِه و بَخاطِرِ پَگِ توراِي زِشْتِ كِه كُنْاهِكارايِ

بے خدا دَ ضِدِ اَزُو کُفْتَه، محکوم کُنه. ”^{۱۶} امیا کسای آسته که نقِ نقِ و شِکایتِ مونه و مُطابِقِ خَاهِشَاتِ نَفْسِ خُو رفتارِ مَوکُنه. امیا تورای کُنه کُنه مَوگیه و دَ پِیشِ مَرْدُمِ بَخاطِرِ فایده خُو چاپلوسی مَوکُنه.

اخطار ها و نصیحت های آخر

^{۱۷} مگم شُمو آی عزیزا، تورای ره که رَسولای مَولای مو عیسیٰ مسیح پیشگویی کد دَ یاد دَشته بَشید، ^{۱۸} چُون اونا دَز شُمو کُفته: ”دَ زمانِ آخِرِ مَرْدُمای رِیشخندگر مییه که مُطابِقِ خَاهِشَاتِ بے خُدایی خُو رفتارِ مونه.“ ^{۱۹} امیا کسای آسته که دَ مینکل شُمو تفرقه میندازه؛ امیا مَرْدُمای نَفسانی آسته که روحِ خُدا دَز شی و جُود ندره.

^{۲۰} مگم شُمو، آی عزیزا، خودون ره دَ وسیله ایمانِ بے اندازه مُقَدَّس خُو آباد کُنید و دَ هِدایتِ روحِ اَلْقُدسِ دُعا کُنید ^{۲۱} و خودون ره دَ مَحَبَّتِ خُدا نِگاه کده چیم دَ راهِ رَحمتِ مَولای مو عیسیٰ مسیح بَشید که شُمو ره دَ زندگی اَبَدی راهنمایی مونه. ^{۲۲} دَ حقِ کسای که دِل-و-نادِل آسته دِلسوز بَشید. ^{۲۳} بعضی ها ره از آتِش بُر کده نِجاتِ بَدید؛ دَ بعضی های دِیگه قد ترس، مِهْربانی کُنید، لیکن دَ عینِ حال، از کالای که قد جِسْمِ های ازوا اَلْوَدَه شُدَه نَفرتِ کُنید.

آلی ^{۲۴} دَ خُداي که مِيتنه شُمو ره از اُفتدو نِگاه کُنه و شُمو ره بے عَيب و خوشحال دَ حُضُورِ
پُرْجلال خُو قرار بديِه، ^{۲۵} يعني دَ خُداي يکتا و نِجات دِهِنده مو، دَ وسيله عيسی مسيح
مَولای مو، از اَزَل تا آلی و تا اَبَدُالاباد، بزرگی-و-جلال، شِکوه، قُدرت و اِختيار باد.
آمين.